

獄申戒宗室

庚戌南京光祿寺卿李堂為南京左僉都御史提督操江

辛亥祠漢丞相諸葛亮于雲南歲祭

癸丑鎮守大同總兵都督僉事溫恭屢失事降鎮下衛指揮

僉事

甲寅水災量折漕粟蘇州二十五萬松江二十萬石常州五

萬石

乙卯巡撫遼東右副都御史李貢致仕應天府丞王彥奇為

右僉都御史代貢廣東左布政使馮鎬為光祿寺卿

中旨御用監太監馮寧分守四川建昌行都司

丙辰傳陞錦衣衛指揮同知張容都指揮僉事百戶黃欽副

千戶搃旗張明舍人王永俱百戶容等私東劉瑾因陞之不

申奏乞

右府武平伯陳勳卒

十一月己未朔至日朝賀改望日進歷

曉刻火星犯進賢


庚申前山東按察使王雲鳳為祭酒張綵薦之亦變例也

崔銑曰王虎谷之節介豈非強哉乃甘張綵之臨受劉瑾

國權

正德四年

三



之色與瑾人孫聰交不終矣古人三薰一猶十年猶有

鄙

臭雖德難當劇猶不可輕予

壬戌公侯伯都督俱試內府教場

嚴鳳陽皇陵盜木之禁

癸亥總制陝西工部尚書才寬禦下花馬池出塞外明日追

擊回原羊泉斬四級下大至射寬死之贈太子少保謚襄愍

廢子介錦衣百戶總兵曹雄懼得罪賂劉瑾二萬金令子謙

入見瑾偉其貌許以女兒遂以賄金納采瑾喜甚不問敗事

寬跌宕不羈及領鎮好戰馭下寡恩故及于難

楊一清曰武侯李靖未嘗廢營陣世無岳武穆豈可恃野

戰以為能哉才之死回出不幸而後之易其言輕進貪功

者可以鑑矣

乙丑葺故兵部副指揮閔敏廟順德人國初從廖永忠征南
戰沒立廟順德


傳陞朱鐸朱福朱寧朱安朱清朱秀朱通朱達朱祥朱銘朱
銳俱錦衣正千戶朱璽朱文朱聰朱忠俱所鎮撫以宦官廝
養冒國姓稱義子

丙寅逮前大同巡撫右僉都御史熊偉戶部郎中王翀下鎮

國權

正德四年

三五



撫司以召商納芻粟虧額

丁卯進吏部尚書張綵刑部尚書洪鍾太子少保

傳陞錦衣衛舍人張林百戶

己巳中旨御馬監太監張鳳分守淮安

夜月犯天街上星

辛未蘇州知府鮑璋犯贓下詔獄成撫順璋妻墨見紉綺者

即杖之索贖金有脫紉綺而逃隸即以紉綺他衣之代償

夜月犯六諸王左右星及井宿

乙亥太僕寺少卿于瑁刑部主事方位削籍刑部郎中孫徽

調外樂工施鉞爭產令妹 于校尉孫謙家飲瑁等囑徽

瑁位留連踰夕下錦衣獄

丁丑沂州郟城天鼓鳴

戊寅復廣東茂名縣儒學成化間兵焚并入高州


甲申安南國王黎誼寵臣阮种初阮伯勝等竊柄遷誼別宅

廼令自盡欲立伯勝丙戌土目黎廣度黎垌鄭江等以國人

討滅之立瀨之從子調主國事調一名濬改元洪順追謚屬

愍王

乙丑刑部尚書洪鍾兼右都御史蒞院



崔階王鏊陳祥邢昭王廷相蕭鈇張璞為御史同劉繹李如圭解冕整理各路鹽法兼捕盜繹兩淮如圭雲南冕廣東保安衛地震

十二月庚寅裁廣西太平通判

辛卯中旨印綬監太監趙聰筦神机營右哨頭司都知監奉御陳璋守備石門塞

壬辰命徙陝西總制工部尚書兼左都御史才寬入朝時報警言急

乙未罷南京禮部尚書孫需、清謹瑾雖拔之不一謝

山西右布政使沈林私乘傳削籍仍罰大同粟五百石

夜月犯天陰南一星

丁酉吏部尚書梁儲加太子少保改南京吏部尚書刑部左侍郎劉璟為尚書

才寬變聞贈太子少保謚襄愍予祭塋子入廕錦衣衛百戶寬遷安人成化戊戌進士跌宕不羈任守令好飲亦不廢吏事及領鎮好戰馭下寡恩故及于難


辛丑應天太平大雨雹

壬寅卜亦孛來入河套駐牧屢寇邊搃兵馬昂敗之木衣山

國權

正德四年

二十七



癸卯蔣麟嗣定西侯李全禮嗣襄城伯

蔣驥子

李鄜子

南京大理寺卿林廷選為右都御史總督兩廣兼巡撫廣西
限鎮守總兵分守監槍游擊養廉田各十頃副總兵守備各
半之母占佃

甲辰南京左僉都御史李堂為工部右侍郎

乙巳起右副都御史林俊巡撫湖廣陝西左布政使安惟學
為右副都御史巡撫寧夏

四川東鄉通江積盜攻掠

丁未前大理寺卿張泰為刑部左侍郎

山東布政司左叅政張鎮擅檄有司供饋宿駟舍削籍

巳酉廣東按察使王哲為南京右僉都御史提督操江右僉
御史陸完為左僉都御史

庚戌追奪大學士劉健謝遷誥及所賜帶服初因陳容詰責
科道于是科道言罪籍如健遷尚書馬文升劉大夏韓文許
進等宜追奪誥身從之吏科計健遷下六百七十五人惟成
化年遠者宥之


檢累朝王府條例

辛亥許巡撫湖廣王綸奪情署事改林俊巡撫四川

國權

正德四年

三



癸丑中旨印綬太監朱奉鎮守金齒騰衝
乙卯廣西盜流入柳永命巡撫王綸備柳永陝西巡撫黃寶
備漢中商洛四川巡撫備夔州保寧湖廣總兵毛倫備荆襄
鄖陽
前御史熊卓卒豐城人弘治丙辰進士令平湖拜御史
丙辰工部左侍郎崔岩兼右副御史治河

國權

鹽官設遷孺木著

正德五年庚午


正月戊午朔罰山東巡撫何鑑粟千石御史徐濂劉紳布政司
王沂劉聰叅政陳良器按察使劉宇僉事馬鑾指揮王瑾等
八百石巡撫朱欽王儼等六百石御史賈元高崇熙等五百
石布政司劉璟賈錠等三百石俱輸寧夏脩孔廟墻漁費並
得罪之

已未前工部尚書楊守隨削籍回鄞人重獄下大理寺駁讞

國權

正德五年

一



劉瑾謂守隨所私仍罰粟二百石

壬戌淮徐捕盜御史薛鳳鳴在歸德日酣飲謫徐州曠騎畿
內御史甯杲柳尚義為左右僉都御史杲尚義多斬獲驟遷
鳳鳴尋復官

增湖廣巡按御史分湖南湖北

乙丑吏部左侍郎孫交調南京

丁卯 上南郊還行慶成禮日本使臣與朝鮮同班賜宴

己巳責吏部尚書張綵左都御史洪鍾等勘合失核放禮科
給事中于聰張潤閔楷王鑾河南道御史李賦餘宥之

庚午傳南京刑部尚書吳洪右都御史張憲大理寺卿胡富
致仕以南京錦衣衛指揮鄧炳爭產久不報

癸酉琉球官生蔡進等五人入南雍肄業賜衣廩

乙亥南京戶科給事中葉良聽請囑被劾削籍


丁丑戶部左侍郎儲瓘為吏科給事中

己卯滿刺加國王使臣亞劉本江西萬安人蕭明舉也亡命
至是同端亞智等來朝洛大通事王永序班張宇謀往渤泥
國寶禮部吏侯承等偽造符印擾駟後同輩忽叛俱逮入索
京論罪有旨江西多玩法如彭華李裕尹直徐瓊李孜省黃

國權

正德五年

二



景多招物議且鄉試解額過多宜裁五十人仕者毋除京職
永為令蓋焦芳夙憾華等借瑾快其私也

庚辰籍故尚書秦紘家紘弟楊瑾家于紘蒼頭丁旺怨之
訐其蓄鉄銃等違禁不法遽重坐聞者駭之

辛巳兵部查駁各衛官所

癸未南京吏部右侍郎朱恩劉纓為南京禮刑部尚書恩附
瑾自按察副使二年五遷至尚書

丙戌太僕寺少卿張禴為右僉都御史巡撫大同大理寺丞
丞楊武為左僉都御史巡撫宣府

覈郡縣庫金


兵科給事高滂文滄州益山海豐等草場劾前都御史張縉
王沂王璟高銓侍郎崔岩等銓滂父也畏瑾遂并劾
御史劉寓生劄卷貴州凌忽臺司相構偵校發之下錦衣獄
械吏部門劄籍

二月丁亥朔左副都御史李瀚為吏部右侍郎戶部右侍郎喬
宇為左侍郎太常寺卿陳震為戶部右侍郎太常少卿李遜
為戶部左侍郎提督倉場左僉都御史陸完為兵部右侍郎
巡撫宣府楊綸為右副都御史署院

國權

正德五年

三



己丑日本國王源義澄使宋素卿入貢素卿賂瑾黃金千兩
賜飛魚服非制也

辛卯東寧伯焦淇為征蠻將軍總兵鎮守兩廣

癸巳進楊和吏部尚書兼武英殿大學士兵部尚書曹元改
吏部尚書兼文淵閣大學士直閣元與瑾葭莩之舊復彙入
入政府士人耻之

戊戌兵部左侍郎胡汝礪為尚書應天府尹周宏為南京工
部右侍郎


祭酒王雲鳳以年少例生還試原學從之

辛丑南京吏部尚書劉恕改吏部尚書專誥勅

兵科給事中屈銓請判定正德元年以前見行事例示中外
從之按新例俱劉瑾紊制人方側目銓猶諂奉焉後兩月祭
酒王雲鳳效之且請瑾幸太學如魚朝恩例瑾尋敗被劾

王世貞曰虎谷之用似亦張綏之力但直節素著豈一旦
狼狽至此况引魚朝恩例使瑾知之不益其怒耶亦有仇
筆錄以俟考

癸卯署通政司兵部左侍郎王敞順還部順天府尹李浩為
通政司



甲辰罰正一真人張彥頤粟千石禁其家不得齎齎符錄以蒼頭私乘傳齎符錄採藥物廣東僉事吳廷舉劾之

夜月犯氐宿南星

乙巳夜月犯房宿北二星

丁丑山西副總兵都指揮僉事葉椿為征西前將軍署都督

僉事總兵官鎮守大同

戊申前太常寺卿林章卒錢塘人善書

夜土星犯太微垣上相星

己酉逮廣東布政司左叅議吳廷舉下錦衣獄廷舉嘗枉道

過家偵校發之鎮守太監潘忠恐廷舉劾其僉事時侵帑不

法遂被拷自誣服械吏部門成山西振武衛

巡按江西御史弓元成南丹衛以斂錢餽勸事少監李宣錦

衣都指揮趙良

庚戌定王府喪禮當遣大臣用都布按正官當遣行人司分守官

延綏右叅將戴欽為副總兵鎮守山西兼提督代州三關


三月丙辰朔兵部尚書胡汝礪卒寧夏人成化丁未進士授戶

部主事歷郎中遷大同知府敢任事立威賂劉瑾拜順天府

國權

正德五年

五



丞驟進尚書未赴任卒予祭葬亦異數也後瑾敗事弗預
其罰

丁巳四川雲陽縣地震如雷

戊午考察各道御史田舞楊淳蕭海張元電調各部主事趙
鶴童寬李緯張宏降府推官劉經孫迪嚴紘魏彥昭潘說都
侃范嵩方德懋待至日誦

辛酉陝西郿陽地震

壬戌中旨南京司禮大監邱得同太監黃偉等守備
癸亥昏刻大星犯亢宿南一星


甲子大風霾數日

鎮守湖廣左都督毛倫言安陸襄漢沔陽游飢俱先年侍郎
韓福苛徵致之詔不問倫黨瑾故敢訟福之失然未盡也

丙寅兵部左侍郎王敞為尚書

毛玉劉紘葉溥為南京給事中周宣孫樂朱紘陳軾丁楷江
良貴王瑤為御史賀寬鄭行許洪宥為南京試御史

戊辰改刑部署郎中李嵩朱襄蔣曙劉和劉文莊馮時雍陸
鰲張淮喻時涂文祥于鰲朱嘉會徐文華孫修張承仁陸芸
梁材盛儀張琮高壇張麒詹源劉大謨許諫俱為試御史



庚午 憲廟敬妃王氏薨謚恭懿
辛未 詔早糶令法司減罪雪獄于是大學士李東陽等請行
寬政從之

水旱免各處逋稅五百五十餘萬

甲戌 柳州知府劉璉道值賊見殺不以聞

勅勞四川陝西江西湖廣鎮巡官擒盜功

丙子 巡按湖廣御史翟唐奏蜀盜劉烈熾甚僭號設官守臣
蒙蔽謹矯旨切責之

己亥 脩撰何塘予告

壬午 廣西太平府地震


乙酉 前太子太保禮部尚書周經卒字伯揚陽曲人天順庚
辰進士授檢討歷今官少穎敏莊重寡言笑孝友純至在館
久淹或諷之速化不為動其長戶部守正應對剴裁不徇晚
起禮部則壻曹元力不能無責備云年七十一贈太保謚文端

表表曰周公以經國之才秉匪躬之節裁抑寺戚節縮浮
濫上裕國用下舒民力嘉謀讜議可謂有大臣之風矣彼
不知節用而亟于求財浚膏血以填谿壑者亦獨何心哉
南京右僉都御史王哲巡視江西以盜熾南贛界楚粵閩間

國權

正德五年

七



扼之

刑部尚書兼左都御史洪鍾總制湖廣陝西河南四川軍務
并賑武昌襄漢

四月丙戌朔 科給事中郝夔榆功多冒濫懼瑾禍自經改


科都給事中段彥往

丁亥雷州有大星如月流而尾如彗隨沒聲如雷

庚寅法司畏瑾僅免死二人

慶府安化王賓鐳反賓鐳貌魁梧相者詒云大貴又妖巫託
鸚鵡神妄諛之大理少卿周東度田繁奇率五十畝為一項

人情大擾巡撫安惟學夫將吏心儒生孫景文說賓鐳誅劉
瑾為名大事可致也指揮何錦周昂丁廣謀如之是日置酒
召周東安惟學及總兵都督僉事姜漢太監趙弼李增藍彬
少監鄧廣東惟學不至遂殺漢等走殺東惟學及都指揮楊
忠李睿左叅議侯啟忠燬公署釋囚盡收黃河舡于橫城西
絕渡者偽授錦討賊大將軍昂廣左右副將軍景文軍師檄
曰近年以來主幼國危奸官用事舞弄國法殘害忠良蔽塞
言路致喪天下之心凡忘神器之重今閣城官軍共誅守臣
之虐政害民者持首來獻予不得避獎率三軍以誅黨惡以




順人心副總兵楊英偶出楊顯堡脫于難陝西總兵曹雄聞
變促都指揮黃正統三千人戍靈州晝收河舡濟揚言決河
灌城安惟學字行之臨汾人成化甲辰進士嘗守平涼九年
考最進四川右布政

楊一清曰寧夏地沃饒故稱樂土自撫馭非人橫徵暴斂
軍始不堪逃亡接踵見存者日益困敝至逆瑾時極矣千
戶何錦指揮周昂素島雄始懷異志錦頗通文事應武舉
上京見時政日非語昂等曰可舉大事矣屬鎮巡俱更代
太監李增總兵姜漢雖無大善不甚苛虐撫臣安惟學嚴

明以藏廩空虛軍政廢弛與總兵申禁令追徵積負屯糧
馬匹大理少卿周東清查屯地又復嚴急遂激亂被害後
總兵太監俱沾卹典惟學既被廢錄又以言者追奪說者
謂實鑄何錦等蓄謀已非一歲蒞任未及兩月况比惟學
併公務視朕削私用者有間作惡者何人乃代伊受禍哉
蓋亂臣賊子必假藉事端以為口寔故錦等必殺鎮巡奪
其兵柄而後可逞是時惟學雖寬亦不能免也

壬辰太常少卿鄭宗仁為南京太僕寺卿

癸巳四川流盜入陝西湖廣遂增陝西副總兵吳欽湖廣副



總兵康泰協勦

甲午 寇莊浪總兵衛勇擊之斬百五十八級

乙未 司設太監王與鎮守陝西

丙申 華州蒲州地震如雷

丁酉 免河南逋租

庚子 致仕左府署右都督神英封涇陽伯賜誥券歲祿八百石初英自陳邊功兵部謂年遠無考不聽

日本使臣宋素卿本鄞縣人朱縞逃日本國王塔之官網司至是入貢族識之私通問或發之禮部議失遠人心遣還

辛丑 太僕寺卿王寅為工部右侍郎治易州山廠

大理寺右評事羅僑言頃者亢旱風霾 陛下特降德音蠲

連坐貫逋卒而齋戒決旬雨澤尚滯臣愚謂天心仁愛未已

欲 陛下每事懲創擴充善端也夫古者視朝游觀皆有常


度賢妃有鷄鳴之警大臣陳卷阿之咏今 陛下臨朝或至

日昃宮掖之戲喧囂達旦殆非所以愛群臣大基業也臣願

陛下宵旰圖治無游于觀便殿則閱奏牘暇豫則覽經史古

者三公論道工誦箴諫故我朝以輔導責之內閣言責付之

科道近者百姓流移赭衣載道民窮財盡元氣索然群臣不




敢言以有科道也科道不敢言以有宰相也宰相言之不盡
復謗誰哉臣願政事得失生民利病 陛下與宰執商權于
內許科道直言于外古者進退大臣皆有禮貌黜削之刑不
及大夫比者公卿方進隨罷先臣忠盡碩德如劉大夏楮猶
不免竄戍况其况哉臣願賜放免以示生還古者律以繩民
例以輔律我朝大明律及見行條例最為精密近日法司比
附深巧隱中善人臣願勅今後問刑止依正律果情重律輕
必奏請裁決毋令權監得持其間疏入與襯俟命僚友莫敢
往瑾欲死之李東陽救解乃矯旨責僑庇大夏下廷諫竟改

吉安府教授若盡移風俗方奏用

馮時可曰羅公不攜藻不設學然進為直臣出為循吏學
與文莫大于是矣古者喪居禮樂崩壞矧設說耶取益于
友不如取益于心良箴也孔子所謂友直友諒殆其人乎
太史達夫得之如稽山竹箭加以括羽矣

癸卯月犯建星東第二星

甲辰巡撫寧夏馬炳然憂去不許改巡撫陝西罷陝西巡撫
黃寶徵前任楊一清余以貞吏部言陝西寧夏俱多事炳然
寶各仍任從之



乙巳蔣冕服滿補右諭德兼侍講
丙午湖廣按察使王恩宅憂楚王
仍留任 鎮守官各言其惠民

冠遠東寺兜山臺游擊高欽擊卻之

起楊一清右都御史總制陝西延綏寧夏甘涼軍務即西征
寘鐸寧夏副總兵都指揮僉事楊英為右府署都督僉事總
兵官鎮守寧夏游擊將軍都指揮僉事仇鉞為副總兵靈州
守備都指揮僉事史鏞為游擊將軍時傳鉞從賊故用鉞異
間之

分守獨石馬營都知監太監張弼改鎮守寧夏都知左少監
馬良寧夏監槍印綬太監姚遠分守獨石馬營

戶部右侍郎陳震兼左僉都御史暫往寧夏督軍餉
罷延綏總兵署都督僉事馬昂副總兵署都指揮僉事侯勛
為右府署都督僉事總兵鎮守延綏

已酉削寘鐸屬籍命涇陽伯神英為平湖將軍總兵同楊一
清節制京營并陝西寧夏延綏甘涼軍馬討之


兵部右侍郎陸完為左侍郎戶部右侍郎陳震改兵部

賑河間

國權

正德五年

十二




徵還文田官

辛亥赦天下詔曰朕屬精求治越五六年念世久承平人多
玩法振起網維利剗革奸弊有司奉行過當和氣弗臻今春
以來亢旱風霾星異迭見四川湖廣寇盜縱橫寧夏都指揮
錦等戕害守臣謀立安化王寘鐸為主招誘諸路朕不敢
赦分釋脅從撫定軍民念供億甚勞逋負相仍方欲省刑薄
斂任賢使能培養元氣掃除災孽以保我國家億萬年之祚
所有寬恤事宜條列于後云々嗚呼用兵者如不得已用刑
者必求其生方與問罪之師大布同仁之政

勅御用太監張永提督寧夏軍務御馬太監陸閻管領神槍
選京軍三萬人而西御史涂文祥隨軍紀功稱疾降右府都
事改御史張琮往

游擊將軍仇鉞襲執寘鐸寧夏平之寘鐸遣何錦丁廣以三
千人分據要害將渡河而鉞先駐別堡寘鐸召之入引疾不
出楊英等屯河上約鉞內應偽將軍周昂留守問計鉞曰舉
事貴速何不引軍而東昂曰兵出懼曹雄決河灌城則家室
喪矣鉞謬曰事成則封侯乃憂家室哉昂曰然則各屠妻子
耳語頗泄昂疑鉞疾亡狀謂其下曰明日當省鉞如不出殺




之鉞伏舍下人衷甲以待昂來侯斬昂號于市曰衆能從我乎士民皆聽命徑馳執寘鐻逆黨驚潰乃詐傳寘鐻令召回何錦密諭錦部將鄭欽擊殺胡壘魏鎮等數人呼曰城中事定矣趣殺之巡河將劉鉞姜永等衆大奔何錦丁廣單騎走賀蘭山獲之

高岱曰寘鐻狂監子耳其敢于稱亂者有所侮而動也寧夏之民怨入骨髓可必其從亂而無疑者然則禍亂之興亡他氏易與為亂故耳乃寧夏西北重鎮其控戎士備倉卒所宜戒衣衾于朝夕至數人倡亂而上下錯愕將士皆

靡然從風此其元戎之號令撫臣之節制可知矣卒之身死人手豈為不幸哉仇鉞不動聲色而能立奇功于虎吻亦偉丈夫也非謀勇過人能若是乎雖然寘鐻腹心介距盡遣之出而獨留一周昂又復不備其輕銳寡謀蓋天奪其魄矣不然鉞豈能以匹夫而成功哉
設遷曰仇鉞幸脫刀俎之外乃束身陷賊無策之甚豈寘鐻小豎不足慮耶抑部曲駭潰且與之為進退也決計俄頃遂享其成天下事又安可坐料哉

永康侯徐溥卒年十二

國權 正德五年



鎮守遼東總兵署都督僉事李璵卒

有大星晝墮于通江

癸丑傳制封讓棚蜀王表謙新化王表楫旌德王表杙交城
王俊樞進賢王充燿泰順王充熾河內王譽祐善化王厚熙
都昌王勛臨沁水王

甲寅巡撫陝西黃寶器陝西按察僉事藍章為右僉都御史
巡撫陝西

五月乙卯朔學士毛紀為戶部右侍郎仍兼日講南京太僕少
卿張鳳為南京右僉都御史提督操江

丙辰湖廣盜劉惟華洪清景等掠桂陽殺守備指揮鄧旻翟
翱劉懷百戶朱鏞趙章橋百戶于江擊景清惟華皆殺之江
亦死

丁巳光祿寺卿楊瑤卒特予祭

庚辰右僉都御史徐以貞巡撫保定兼理屯田

辛巳寧夏地震如雷


壬午傳錦衣衛指揮僉事朱翥南鎮撫司辦事翥苗姓以義
子賜朱氏

癸未大學士焦芳致仕芳首附劉瑾薦張綵、秉銓日居間

國權

正德五年

十五



不盡聽遂隙瑾亦薄之芳嘗受俘婢土官岑濬妾也甚嬖之
與妻詬瑾斥其過子黃中充詔使瑾不善也遂引去進不以
正徒諂容何益哉

六月乙酉朔徐州左衛指揮使時用于山東沿海提督備倭
罷治河之役


已丑南京工部尚書俞俊致仕後附瑾屢引疾不允

壬辰大隆善寺禪師星吉班丹為國師左覺義羅竹班卓等
為禪師刺麻札竹為左覺義三竹捨刺為右覺義倫竹堅叅
為都綱大慈佛恩寺佛子亂奴領占捨刺札俱為法王刺麻

捨列星吉佛子也失短竹為禪師大能仁寺刺麻領占播為
都綱 上諳梵教星吉等皆得幸

前少師兼太子太師吏部尚書馬文升卒字負圖鈞州人景
泰辛未進士授御史風裁肅然擢福建按察使南京大理寺
卿改撫陝西平滿四之亂屢逐下進兵部右侍郎整飭遼東
撫叛夷汪直戍重慶尋起家歷今官立朝五十餘年文武兼
資臨事屹然不可奪年八十五贈太保謚端肅

袁表曰 敬皇帝之未年也厲精綜核寤寐俊髦鈞陽馬
公寔秉衡鑑六曹之長皆民譽也下至百司濟、可觀是



以士敦齒讓俗返淳朴衆賢和于朝萬民和于野雖成康
文景之際蔑以加矣

凌迪知曰文升性介特寡言笑不尚侈華舉止嚴重修髯
偉貌望之知為異人居官重名節厲廉隅雖位極人臣名
聞四夷退然不敢自至于值事變臨利害屹然如山不居
可搖奪可謂社稷臣矣

何喬遠曰馬文升蓋有西征石城撫安東夷興復哈密三
記云孔子作春秋書齊人歸田不自功也予攷國史石城
之征以歸項忠亡一語及文升何哉興復哈密許進撰平

番始末自叙勞苦而文升乃言守臣貪功坐令其酋長得
遁去閩內閩外予不知孰是君子不自功君子亦自功乎
其無知不言能無不為至今稱名臣無間然矣

癸卯土星犯太微東垣上相星

甲辰厚焜嗣都梁王初都梁王厚焜進荆王庶弟焜例進

厚

山西提學副使陳鳳梧言巡按御史擅考生儒命戒之


丙子少傅兼太子太傅吏部尚書文淵閣大學士劉宇展墓
還仍致仕

辛亥南京大理寺卿戈瑄為南京刑部右侍郎太僕寺卿郭

國權

正德五年

十七



紳為南京大理寺卿巡撫遼東王彥奇改南京
進太僕少卿王憲為右副都御史巡撫遼東
增延綏寧夏巡按御史兼理鹽課
惠潮盜平

七月己未前南京工部尚書俞俊卒麗水人成化壬辰進士

庚申進魏國公徐晞成國公朱輔太子太保

壬戌楚王均欽薨年六十一謚曰靖

癸亥前南京工部尚書韓重卒絳州人成化戊戌進士授禮
科給事中陰險狠戾尚書時尤營利士論鄙之

甲子召兵部右侍郎兼右僉都御史陳震

丁卯兵部申明襲替事例

昏刻火星犯房宿

戊辰宋景張景暘曹雷徐讚為御史


辛巳浙江布政司右叅政何顯先守湖州歲賦倍斂三萬餘
金御史胡文璧寬之遂削顯籍編管遼東自在州文璧奪俸

三月

八月甲申朔前應天府尹冀綺卒

丙戌沙古卜洛封占城國王遺禮科都給事中于聰行人劉

國權 正德五年



宓初左給事中李賢當行中旨改聰亡何瑾敗仍貫往值盜
徐州斃其首求俟髮長宓亦卒凡七年未行竟令占城領封
壬辰南京糧儲右副都御史夏昂為工部左侍郎
癸巳偵校言湖廣左布政司涂旦鄖陽知府曹廉貪狀俱削
其籍

蠲寧夏今年田租

許巡撫湖廣右副都御史王綸終制

甲午太監張永還自寧夏 上戎服御東安門寘鐻及親屬

頌繫諸王館餘獻俘是夕 上宴永等劉瑾先退永間出寘

鐻偽檄更列瑾十七罪有反狀 上猶豫曰瑾負我永曰遲

則奴輩虜粉矣 陛下將何歸焉永成等皆詆瑾遂密發兵

捕瑾 上身隨之夜且半瑾聞喧聲披青蟒衣出縛下菜廠

分枝封其內外私第初瑾永有隙永還期望日獻俘瑾欲緩


永遂先期入瑾愕然永計出楊一清秘甚質明下內閣降瑾

奉御安置鳳陽貸文武諸臣畫草新例議其罪時事猝從中

發邏卒飛騎交馳于道衣冠失度閭巷喧囂如沸浹日乃定

先劉景祥死都人私謂乘朝臣送葬為變中夜每聞甲馬聲

先敗幸永發之早也




丁未夜火星犯天江

丁酉下瑾錦衣獄 上親籍瑾家黃金二十四萬鏹又五萬
七千八百緡銀五百萬鏹又百五十八萬三千八百緡寶石
二斗金甲二金鈎三千金銀湯鼎五百衮服四蟒服四百七
十襲牙牌二櫃金龍甲三十玉印一玉琴一獅蠻帶一玉帶
四千一百六十又得金五萬九千緡銀十萬九千五百緡團
扇飾貂皮中置刀二甲千餘弓弩五百他物稱是 上見刀
甲弓弩怒曰瑾果反即下獄科道數其罪會訊午門刑部尚
書劉璟纒折之瑾笑曰若輩皆得德我何得言諸大臣噤不

能語駙馬都尉蔡震厲聲曰震國戚何賴于汝叱榜之微震
凡不能成獄

朱國楨曰逆瑾非張永不能永非朱襄之言必不聽然除
豈未信而敢輕發哉觀其調停給銀一節何等委曲而平
日行事與面論皆有以深服其心故乘間一言便能激發
以收大功文成杭州之會當亦如之不然以岳季方之清
正一施于曹吉祥即敗事况庸庸者又安能妄冀萬一文
襄定寧夏文成定江西功非不偉而妙在用張永其作用
機權生平學問得力處可以想見斷乎國朝第一流也



戊戌大學士李東陽引咎乞休不許
吏部尚書張綵錦衣衛都指揮使楊玉鎮撫司指揮使石文
義下都察獄

太監張永言慶王台汝臣事寘鐫勅責之奪護衛并祿三之
二分


己亥大學士楊廷和待罪留之

大學士曹元免元無他才好飲譴每自瑾所出意氣得甚至
是每夜竊焚器服踰禁者

戶部尚書劉璣兵部尚書陳震並死

曉刻金星犯軒轅木星

辛丑治理黨大學士曹元都御史魏訥楊武劉聰侍郎陳震
都給事中李憲脩撰康海大理少卿董恬順慶知府莊禕御
史薛鳳鳴戶部司務孫聰叅政楊儀河南僉事白思誠徽州
知府柯英河南叅議王欽太常少卿劉介杭州知府楊孟瑛
侍讀焦黃中編脩劉仁並削籍都御史徐以貞謫鳳陽同知
御史朱袞新昌縣丞吏部郎中王九思壽州同知王納誨易
易州同知右僉都御史蕭選官謫鄆縣知縣傅奉檢討胡纘
宗嘉定州判官編脩黃芳寧國府判官主事李志學真定通



判韓守愚濟南通判

壬寅吏科都給事中李憲劾逆瑾不法瑾聞之笑曰憲亦劾我耶

漕運總兵伏羗伯毛銳免

癸卯曉刻月犯天街上星

前太子少保吏部尚書許進卒字季升靈寶人成化丙戌進士授御史歷撫大同忤太監石嚴謫守兗州尋遷陝西按察使歷左僉都御史出嘉峪關復哈密轉撫陝西歷前官忤瑾去素悻直敢犯權貴亦多權術人不能測

袁袞曰端士不以俗易行貞臣不以勢奪守觀許公之始忤閹直終抗逆瑾幽囚而不懼廷捷而不挫其剛心勁氣死生得失惡能動之哉

甲辰湖廣右布政使陳鎬應天府尹丁鳳並為右副都御史鎬巡撫湖廣鳳理南京糧儲大理寺少卿顏頤壽為右僉都御史


南京工部尚書李善左副都御史屈直南京太僕寺卿王彥奇被劾致仕御史秦昂趙松 寺丞紀世梁開任 左

布使潘楷 按察使張禎御史宇文鍾削籍 府丞石

國權

正德五年

三



祿謫陵州知州檢討段昊謫徐州判官

按察使仲本降

兩浙鹽運司同知

罷江西新僉民兵初增江南巡捕御史

九月乙卯旱災量免山東田租

太平寧國安慶大水溺二萬三千餘人蠲田租賑之

何錦周昂等伏誅

豐城侯李旻總兵鎮守貴州

寧夏副總兵都指僉事仇鉞為征西將軍署都督僉事總

兵鎮守寧夏

駙馬都尉黃鏞卒初休寧人尚嘉祥長公主

丙辰錄寧夏功加大監張永陸閏歲祿進楊一清太子少保

封仇鉞咸寧伯餘陞賞有差

定生監生歲率三千人時監生三千三百人乏廩議減歷放

回歲貢生監生詳訴

丁巳祭故都指揮僉事楊忠李睿百戶張欽子襲陞二級欽

子一級


戊午南京吏部尚書梁儲改吏部尚書署詹事府吏部尚書

劉忠兼太文淵閣大學士

國權

正德五年


三



已未封太監張永兄富泰安伯弟容安定伯給誥券祿千石
兵部尚書王儼等媚永歸其功
右通政叢蘭為通政使
國子司業王瓚為南京祭酒
己巳順天府尹王鼎為右副都御史
復平江伯陳熊爵
傳錦衣衛指揮使朱寧南撫鎮司同覃泰等視事
壬申李鑑仍工部尚書張永西還道湯陰鑑敝衣冠束玉趾
迎乞憐曰起家

工部尚書畢亨應天府尹陳良器工部左侍郎張志淳崔岩
御史崔哲皆劾免右僉都御史張禴通政叅議張龍尚寶司
丞屈銓大理寺丞蔡中孚 科都給事中段豸皆謫外瑾之
餘黨

癸酉太常寺卿羅玘為南京吏部右侍郎魯鐸服闋補祭酒
議復謫籍五十三人皆復官錄用尚書李傑孫需侍郎陳勗
鄧璋胡富陶玟馬中錫都御史張憲賈鉉李貢邵寶胡瑞羅
鑒通政叅議任良弼府丞趙璜司業羅欽順編脩何塘給事
中楊琬劉澤徐悅安奎潘希曾陳伯獻御史吳漳王潤曾大



有劉子厲楊南金王時中郎中劉思賢員外郎韓俊葉釗主
事唐胃傅浚謝廷瑞趙璧評事羅僑中書舍人何景明布政
司姜洪沈林按察使金獻民邢義叅政楊守隅楊茂元吳彥
華副使劉遜陳恪李全吳廷舉僉事方良永盧翊知府劉麟
張津

錄寧夏功進李東陽特進左柱國楊廷和少傅兼太子太傅
謹身殿大學士劉忠少傅兼太子太傅梁儲少保兼太子太
保武英殿大學士進兵部尚書王廠太子少保詹錦衣百戶
禮部尚書白鉞吏部尚書劉機禮部尚書何景賢刑部尚書

劉璟俱太子少保餘賜金幣

益司禮太監溫祥賴義谷清秦文范宣張欽歲祿錦衣冠帶
舍人溫欽谷雄秦安為副千戶賴友張銘為指揮僉事俱子
世襲

封谷賴義子指揮同知朱德永壽伯太監谷大用兄大

錦衣


寬高平伯馬永成兄山平涼伯魏彬弟英鎮安伯皆誥給券
德不知所出太監裴氏廝養賜國姓善造西域食餌英非彬
弟冒魏氏大用等援寧夏功

設遷曰左貂之橫始自王振其子弟僅錦衣而止汪直劉

國權

正德五年

三五



瑾至都督極矣張永何功輒膺茅土各閭效其尤几于爛
羊其後魏忠賢遂開上公爵賞之濫日甚一日所謂作法
于涼也

丙子巡撫湖廣兼贊理軍務右副都御史王綸卒慈谿人成
化甲辰進士

四川盜藍廷瑞鄔本恕等作亂廷瑞欲據保寧鄔本恕欲據
漢中下荆襄巡撫林俊議戍通江果盜陷僉事錢朝鳳等遁
會官兵自他縣回盜疑援至亦遁合兵擊之斬八百餘人擒
廖惠餘走陝西之西鄉

乙卯刑部右刑郎陶琰南京工部左侍郎馬中錫並為右副

都御史總督漕運兼巡撫鳳陽中錫巡撫大同

前右副都御史顧源仍巡撫雲南邵寶巡撫貴州

錦衣衛都指揮使馬釗為都督同知都指揮同知張寰為都
督僉事

庚辰復任良弼通政司右叅議

辛巳復姜洪山東左布政使金獻民貴州按察使吳彥華楊


茂元楊守隅浙江江西陝西左叅政劉遜李全吳廷舉俱雲

南按察副使

國權

正德五年

三六



誅錦衣千戶張文冕文冕本華亭黜生入瑾幕矯旨多出其
手至是妻妾入浣衣局欽天監五官挈壺正皇甫政削籍
壬午禮部左侍郎費宏為尚書前南京禮部尚書張憲為南
京工部尚書陳勗為戶部左侍郎提督倉場胡富為南京戶
部右侍郎前右副都御史羅鑒巡撫蘇松常鎮李貢整飭薊
州邊備兼巡撫順天應天府丞陳玉為右僉都御史巡撫保
定兼提督紫荆等關

癸未復革荆府護衛之卒

十月丙戌兵部改正十八事

丁亥南京右通政王雲鳳致仕

己丑戶部右侍郎毛紀為禮部左侍郎鴻臚寺卿俞琳為禮
部右侍郎

誅劉二漢及親屬劉傑等二漢年十歲

築大名長隄至沛縣飛雲橋凡三百十里


邵陽潼關地震

庚寅給番僧度牒三萬漢僧道士各五千

辛卯江西桃源洞盜汪澄王浩等三千餘人就撫復叛掠樂
平餘干陷安仁

國權 正德五年

三



復減九門稅鈔

乙未復劉大夏兵部尚書楊守隨工部尚書林瀚南京兵部尚書韓文戶部尚書許進吏部吏尚書艾璞右副都御史各仍致仕

丙申曉刻金星犯亢宿

庚戌起戶部左侍郎儲瓘堯右侍郎事右副都御史黃寶巡撫山東鄧祥巡撫河南周南巡撫宣府胡瑞提督鴈門等關兼巡撫山西刑部右侍郎李士實為右都御史巡撫鄖陽復羅欽順仍南京國子司業

辛亥水災減嘉興湖州寧波夏稅


壬子處州同知張芮為南京尚寶司卿

太子少保禮部尚書白鉞卒南宮人成化甲辰進士授編脩博覽強記禮部時值逆瑾頗不失正贈太子太保謚文裕

十一月癸丑朔贊皇知縣王鑾頌張永功西過真定即時雨比于臯夔伊傳 上褒永再賜璽書

丙辰吏部右侍郎靳貴兼學士堯誥勅

起前祭酒章懋南京太常寺卿倫文叙服闋補脩撰已未水災免蘇常松江田租



庚申鞏昌地震

壬戌前南京戶部尚書熊翀卒光州人成化己未進士令武進陞御史頗有風采後未逮也

丙寅月犯司怪星

戊辰學士傅珪為吏部右侍郎

巡撫保定右僉都御史陳臺回院

宥曹雄死永成海南雄附瑾增置鎮西將軍印才寬之難擁兵不援更進左都督瑾敗降指揮僉事下臺獄子謙博洽揣兵事奇中嘗從楊一清學一清家居遺書曰先生世所不可

無者而又世所忌也此何時哉彼勸先生出者非愛先王者也娶瑾從女拷死于獄一清惜之曰謙科人則明也處人則忠也其所自料自處何哉雄西安左衛指揮弘治末以都督同知為總兵廉勇有威兵寇期輒赴素以才進值逆瑾構坐雖媿明哲人頗寬之

昏刻木星犯牛宿


庚午夜月犯酒旂星

辛未前南京戶部尚書高銓卒江都人成化己丑進士授評事歷任不染于議惟保定巡撫同太監李廣作興濟祠為時

國權

正德五年

无



所惜贈太子少保

南京御史張芹劾李東陽受先帝之託使瑾得荼毒天下
就使能諫瑾僅可贖罪今攘他人之力為己功冒賞何善為
身謀如此也 上不問奪芹俸三月

南京光祿寺卿馮鏞為右副都御史巡撫保定

癸酉前南京吏部尚書吳文度卒江寧人成化壬辰進士令
龍泉拜南御史出守汀州人甚思之歷官三十七年茅屋
都督同知高得林為後府右都督

丙子兵部右侍郎李浩右僉都御史陳玉清理軍職貼黃

丁丑水災免四川彭水武隆田租


裁雲南永昌府仍軍民指揮使司

壬午前禮部右侍郎謝鐸卒字鳴治太平人天順甲申進士
授編修歷侍讀南祭酒遷今官孤介恬直潛心理學蒐刊方
孝孺集年七十六贈尚書謚文肅

何喬遠曰鐸不就國子之命 孝宗促起之可稱主明一
時知遇之隆也

十二月乙酉霜災免大同田租

丙戌松潘副總兵都指揮同知昌佐為署都督僉事總兵鎮



守四川

己丑蜀盜掠南川綦江殺照添堅等

庚寅申郡王龍封舊制限嫡庶否則正本職奉祀諸弟侄不得混請

癸巳報盜入徐州呂梁洪掠主事伍全署金

甲午上 太皇太后尊號曰慈聖康壽 皇太后尊號曰慈壽

丙申昏月犯斗宿

丁酉浙西灾湖州尤甚免田租仍賑之

戊戌開封大風晝晦

丙子夜月犯罰星

戊申太子少保刑部尚書劉機劉璟致仕

己酉太監喬忠吳經織造南京許帶長蘆鹽二萬二千引戶部尚書楊一清爭之仍支萬二千引給兩淮鹽價二萬金


庚戌傳陞錦衣衛指揮使朱寧堂上滾事都指揮僉事馬鉞指揮使朱安朱福俱莞南鎮撫司百戶姚文朱達為正千戶

摠旂朱麟張鐸俱副千戶高文及王琦朱秀舍人谷倉俱百戶舍人朱相朱招朱賢趙銘王永俱所鎮撫

國權

正德五年


三



辛夷傳陞御用監各匠姜淮錦衣正千戶王鶚相雄所鎮撫
方景百戶又文思院副使三十四人皮作局副使六十五人
各給牙牌

是月前陝西布政司右叅議賀欽卒字克泰廣寧人少穎敏
好學潛心聖賢經書推所得以淑諸人正德初劉瑾括田義
州民亂顧相戒毋入欽里欽諭定之孝友忠信化其鄉人所
居翳巫閭山四時遊釣凌谿之澗其卒也鄉人為釣臺祀之
稱醫閭先生天啟初追謚恭靖

崔銑曰賀醫閭篤行淵雅確乎不移亦管幼安之流亞與
教人惟主小學達序矣陳白沙其無所見勸讀佛書豈名
教之外猶有別傳乎



國權

鹽官設遷孺木著

正德六年

正月甲寅太子太保戶部尚書楊一清改吏部尚書南京兵部

尚書何鑑改刑部尚書

乙卯中旨御用監甄瑾鎮守河南

丁巳南京科道劾奏政審舉副使楊二和李寬薛英史俊僉


事陳暉等中考功法 上是之

巳未夜月犯畢宿

國權 正德六年

一

國家圖書館, NATIONAL CENTRAL LIBRARY, TAIWAN, R.O.C.



壬戌賜都指揮同知李瑾等十人各飛魚服自逆瑾濫賞凡
弁闔廝養陳乞紛然時謠五十兩一件蟒

甲子後府右都督毛倫成大同以瑾黨

戊辰盜陷江津按察僉事吳景死之又僉事郝綰被執贖免
事聞贈景副使予祭葬子廕入太學

己巳大計天下官降斥二斤千四百六十七人

庚午南京戶部尚書張潔改南京吏部尚書戶部左侍郎喬
宇為南京禮部尚書

辛未旌晉府鎮國將軍鍾鏞孝行

癸酉盜陷營山分巡僉事王源死之勅責洪鍾林俊

甲戌成都後衛指揮使陸震先進署都指揮僉事播州宣慰
使楊斌授按察使皆賂瑾至是革

乙亥吏部左侍郎李瀚為南京戶部尚書

四川左布政使高崇熙為右副都御史巡撫四川討江津播
州蠻寇


臨洮天鼓鳴

丁丑錄前都給事中趙士賢署郎中李夢陽主事王綸孫磐
御史徐鈺趙祐楊璋朱廷聲劉玉南京御史周期雍王佩給

國權

正德六年

二



事中任惠李光瀚徐蕃牧徐暹等御史貢安甫史良佐曹閔
王弘葛浩姚學禮張鳴鳳王良臣皆劉瑾所誣陷者也至悉
是復之

中旨御馬監太監王潤鎮守湖廣魏奉筦四衛營

江西兵三萬討桃源盜陷于淖大敗失指揮養勳通判梁奎
命調兩廣土兵赴之徵巡撫右僉都御史王哲

庚辰大學士劉忠屢乞休不允


中旨太監畢真鎮守山東商飈鎮守福建張倫鎮守雲南李
嵩分守居庸關張鳳守備紫荆關許全守備懷安梁泰筦廣

東市船司

中旨太監張景昌筦三千營并三千哨馬營金義筦左哨并
奪武營中軍王方筦中軍右掖三司并揚威營中軍閻清筦
神機營左掖頭司并耀武營周聰筦神機營中軍張輔筦中
軍右哨三司喬能筦中軍右掖

辛巳京營署都指揮同知李瑾以千人討山東盜進叅將

前南京祭酒王敕卒歷城人成化甲辰進士授編修坐事謫
夷陵判官弘治初起四川提學僉事進河南副使拜祭酒性
穎悟博學不檢南雍以貪著



二月壬午朔湖廣左布政使董傑為右副都御史巡撫江西

南京工部尚書張憲卒德興人成化壬辰進士授吏部主事
歷郎中進山東叅政尹順天俱有聲服官四十年端謹長厚
人莫能疵也

夜鄆縣大風雨走石拔木

癸未戶部員外郎李夢陽為江西提學副使

中旨尚寶監太監黎安鎮守江西

甲申吏部右侍郎傅珪為左侍郎學士劉春為吏部右侍郎
巡撫貴州邵寶為戶部右侍郎

中府都督僉事張寰為都督同知

乙酉四川盜熾命停駕帖採辦禽鳥木植蜜煎川扇等詔悉
止之


戊子增四川布政使堯糧右叅政

己丑雲南左布政使魏英為右副都御史巡撫貴州

戶部右侍郎儲瓘引疾致仕

大學士劉忠吏部右侍郎靳主禮闈

河南丁卯貢士廖鎧除名鎧鎮守太監堂從子竄祥符被劾
編修孫清失官為代筆至是給事中陳鼎劾之



辛卯 英廟淑妃高氏薨謚莊靖安榮

前巡撫貴州右副都御史汪奎卒婺源人成化丙戌進士
夜月犯酒旗星

乙未浙江山東右布政使邊憲蕭翀陝西左布政使燕忠並
為右副都御史憲巡撫山東翀保定忠宣府

卜入鎮靜堡

丙申提督易州山廠工部右侍郎王寅改戶部右侍郎

增青州守備官

選真定保定河間達官軍舍給馬操練聽征

宗室議真鐫罪不赦勒自盡焚其屍子台潛等幽西內弟真

鏡真錫廢為庶人鎮國將軍真材以黨死後山僧大千被逮

曰我安化王府真材也出故宮人視之果然


丁酉巡撫蘇松都御史羅鑒巡撫山西胡瑞並劾免

己亥大學士李東陽等請停京城內外工役及豹房造寺禁
番僧出入不報時番僧綽吉我些兒以秘術幸故言及之

庚子南京右僉都御史張鳳巡撫蘇松常鎮

前右僉都御史王璟提督鴈門等閔兼巡撫山西

錦衣衛指揮僉事年斌仍北鎮撫司理刑



徵修河工部右侍郎李堂專副使領之

辛丑各道御史王廷相等劾兵仗局太監孫和為逆瑾造衣

甲宜罪宥不問

亦迷河衛舍人賽哈龍都督僉事 捏克之子

壬寅許高崇熙募土人及川南川西兵

停江西徵派物料及陶器

癸卯順天府尹張遇為工部右侍郎筦易州山廠

乙巳前太子少保工部尚書劉璋卒南平人天順丁丑進士

授戶部主事歷撫鳳陽鄖陽四川俱賑災殫力嘗截漕八十

萬石募人舟拯洛河之饑入工部左右侍郎長南京禮部靜

鎮知大體服官四十年敝屋僅給衣食竟亡子惜哉

曉刻雨土霾

丁未大理寺左少卿陳世良為南京右僉都御史提督操江


何塘復翰林修撰

蜀盜曹甫屯黃巖駟趨瀘州右副都御史林俊撫諭之佯聽

命令弟瑄流劫小市廂指揮李蔭擊斬之諸盜列江津七營

蔭等合酉陽播州土兵大敗之斬甫等五百餘人俘七百餘

人指揮汪洋陣沒加襲署都指揮僉事



夜大星隕寧夏頃之天鼓鳴

已酉起左都御史陳金總制江西浙江福建湖廣南直隸等軍務

庚戌雲南按察司副使吳廷舉為江西布政司右叅政蘇州同知李嘉言為江西按察司僉事吏部尚書楊一清薦其才戡盜

三月壬子山東盜破樂安濱州高苑

甲寅盜掠彰德回龍駟入延津封邱長垣東明曹縣殺百戶張世祿

國子監博士徐禎卒卿字昌毅景泰中進士簡伉不輕交人砥礪名節所著譚執錄行世

丁卯盜入新喻縣

山東盜陷金鄉叅政學僉事杜旻各遁逮下錦衣獄

已巳定捕盜條格棄城者斬擒獲如塞上例

盜入博野饒陽南宮無極東明掠冀定祁開


庚午十騎入河套寇邊堡副總兵王勛等合擊敗之斬六十

餘級

太保惠安伯張偉總兵巡撫大同右副都御史馬中錫為右

國權 正德六年

七



都御史提督軍務都指揮朱振戴儀充參將以京兵三千人

討盜

盜陷濱州臨朐臨淄昌樂日照蒲臺武城陽信曲阜泰安官

軍輒敗

辛未山東守備倭寇指揮朱泰敗盜于樂安斬七十餘級擒

百餘人

壬申陝西右布政使石玠為右副都御史巡撫大同

勅整理糧儲戶部左侍郎兼左僉都御史叢蘭兼管固原蘭

靖軍務時巡撫陝西右僉都御史藍章捕盜漢中遠套卜警

命暫屬蘭

癸酉盜入清豐滑縣

甲戌南京右僉都御史張鳳改右僉都御史仍巡撫蘇松

乙亥盜犯闕里

治鎮守河南太監廖堂及弟錦衣指揮使鵬罪降鵬指揮僉

事安置南京鬻其私第以巡撫鄧庠極言其括利激盜也鵬

時稍失權璫意曰令嬖妾某出入朱寧家鵬仍留任寧每豹


房休沐歸輒宿鵬家鵬反誇于人寵賂益著

丙子傳諭直隸山東河南四川江西湖廣陝西兩廣用兵去

國權

正德五年

八



年正供外一切歲辦雜派軍需諸物料未徵者悉免之


夜曹州見流星光燭天頃之天鼓鳴

丁丑庶吉士許成名劉棟張璧應良黃臣尹襄劉朴許復禮
費家王道張潮祝續王思孫承恩徐之鸞劉杲劉文俊孫紹
祖戴顯吳惠金臯劉夔郭維藩田荆張翀王元正陳寰劉濟
張衍慶洗尚文邊憲張鰲山俞敷命吏部右侍郎兼學士靳
貴侍讀學士蔣冕教習
南京禮部右侍郎常麟右副都御史夏景和俱降山西布政
司叅政以前在福建敏餽太監陶錦瑾黨追論之

戊寅許盜自首免

己卯盜陷郟城

叅將李瑾破盜于寧陽郟城斬首百五十餘級時劉宸攻郟
城殺掠寧陽典史康友忠枹鼓厲衆鳩義勇數百人掘土為
城發門為雉守備粗具選銃數十輩伏城外陰劫之斬獲數
十級衆愈定友忠曰賊忍必大至吾屬危矣及增城浚涅除
器躬擐甲胄督視靡晝夜遠探刺信賞罰隱然若大將賊果
大至有欲踰城避者友忠厲聲曰敢言避者死砲斃其渠帥
賊帥將火車攻城潛燔之賊計殫又見城上朱衣執戈者長



數仞謂有神助遂卻遙謂友忠曰若位卑有功不賞何自若
若此友忠叱之即使壯士數十人躍馬刺之賊墮橋躍起策
馬去斬獲器械輜重悉分諸義勇無少私賊七至不挫然官
卑不錄諸生上書訟不報怡然曰此吾分勿復言卒于官百
姓悲慕立祠

松潘副總兵署都指揮僉事楊宏為署都督僉事總兵官鎮
守四川

盜犯信陽都指揮僉事馬振等卻之追至湖廣應山而敗振
及信陽衛指揮陳鎮克之

四月庚辰朔琉球國入貢

癸未許大學士劉忠展墓 上嘗御經筵退召李東陽等出
忠會試錄文義多舛東陽不敢對忠聞之亟請之去

甲申勘江西失事官時盜陷新淦萬安新喻
夜月犯井宿

丙戌山東盜陷萊蕪知縣熊驂遁

丁亥光化縣火


都督僉事楊英為都督同知英自陳寧夏防河功

庚寅南京太常寺卿章懋為南京禮部右侍郎

國權

正德六年

+



辛卯中書舍人黃堂等訴臣等由進士遷轉必九年滿秩不得同科道部屬遂定科甲舍人再考得量轉

前總督漕運右副都御史張瑋卒景州人成化丙戌進士授御史歷陝西按察布政使撫治寧夏三原王恕甚重之薦總漕平生清若不殖產子嘗墾田十餘頃怒甚盡畀于弟微傷福急云

壬寅通渭秦安大雨雹傷稼畜

曩李瑾報功虛實

木星晝見凡八日

癸卯山東盜六百騎自青城經壽光攻濰縣知縣張知臯先

遁城陷殺指揮張陞知事杜德銘破昌邑至平度

定宗室冊封仍遣給事中

甲辰詔鎮江祀宋留守宗澤蘇常祀宋丞相文天祥


午刻黃塵四塞

丁未夜木星犯壘壁陣西第六星

成戊申巡撫四川林俊自劾討賊無功乞摠制洪鍾便宜用

兵有旨切責俊令鍾即赴保寧高崇熙專備播州

己酉司禮太監張永同法司錄囚



五月庚戌朔免直隸山東河南馬匹許輸金

泰安天鳴

辛亥旌楚世子榮滅孝行

南京守備太監傅容卒賜昭功祠

戊辰傳制封討淵伊王表秩靖安王睦楮益陽王睦楮奉新

王安沚河陰王安沚鎮平王安泗河清王徵鈴襄陵王祐藥

陽城王秉檠永興王譽挺延德王

己巳河南盜乘舟入湖廣應山陷雲夢掠黃州都指揮張垣

追敗之又趨江西星子都指揮趙鉞敗之于左蠡仍還湖廣

辛未河南按察使彭澤為右僉都御史巡撫遼東

壬申天津兵備副使陳天祥擒盜功加太僕少卿

甲戌提督軍務右都御史馬中錫加左都御史右副都御史

王鼎加右都御史

乙亥兵部尚書王啟致仕

四川巡視右副都御史高崇熙改提督松潘軍務兼巡撫林

俊同太監常興專討藍廷瑞等


湖廣流盜入河南商城固始潁州

丙子裁劉家口遵化灤陽分守內臣右少監梁雋太監劉睿

國權

正德六年

十一



仍改守備

太監張永兵部尚書何鑑及科道官選京營南京守備太監黃偉兵部尚書柴昇及科道官選南營各賜勅

丁丑減臨清京倉監督內臣

戊寅設九江兵備副使移守備都指揮于安慶

六月己卯朔大慈恩寺大悟法王捨刺札死特治葬

衡州安仁縣大水

庚辰汜水暴雨大水壞城舍

辛巳卜寇延綏定邊營游擊敗之斬三十四級

壬午火星隕臨江大如車輪又火星墜吉安聲如雷

癸未山西盜李華等合劉宸等于壺關焚劫

寧夏都指揮僉事陳恂等敗于唐渠斬四十二級

乙酉韓府襄城王偕佃薨謚安僖

丁亥盜楊虎入山西陷沁水自翼城洪洞破趙城祁縣大谷

禮科給事中陳鼎劾籍鼎言事忤吏部謫漢州判官中旨謂


附瑾侵物價前甯平江伯陳熊若第下獄蓋鼎劾廖鑑冒舉賈忌也

初河南按察使彭澤言賊馮山谷之險時劫彰德衛輝懷慶必須山西河南同叅將宋振夾攻使進退無地若但檄山西

國權

正德六年

十三



鎮巡官往返月計難以濟事兵部議馬中錫督山西河南直隸兵集舟黃河南防其濟守鴈門偏頭諸關防其逸彰德衛輝真定保定順德各整兵堅壁截其衝然後募銳夾攻從之雷震大同後衛石泉墩死三人四川盜自江津敗後走碁江才四百人流入貴州石阡糾合三千人指揮李轅等戰失利遂陷婺川龍泉坪焚屯寨巡撫湖廣右副都御史陳鎬請調永順保靖土兵征之時官兵怯輒調土兵剽掠甚于賊有盜梳兵篋之喻辛卯郊城知縣唐龍瘡縣知縣陳滯曹縣署印知事楊謙俱

卻盜進二秩并切責總制洪鍾陳金馬中錫惠安伯張偉

壬辰永順伯薛勳卒


甲午淮安鳳陽課駒給軍免其輸京

盜楊虎等自山西十八盤山還破武安燬臨洺鎮掠威曲周武城清河故城景州渡河復入文安合劉宸等都指揮桑玉達官指揮馮安屢敗署都督同知張俊以京兵二千人往

乙未江西華林山盜陳福陷瑞州

戊戌前順天府尹蘭琦卒德平人成化辛丑進士

蜀盜蘭廷瑞奔漢中陝西兵圍之乞還蜀聽撫



己亥右副都御史周南巡撫南漳贛汀南雄惠潮韶彬以地
衝仍開府

癸卯盜復入山東自霑化趨即墨指揮陳鈺戰敗遂破武城
至濟陽

甲辰亦不剌屯莊浪之蘆井龍潭軍民多遁叅將魯經乞
援命游擊將軍吳英往

乙巳酌定 恤典一品葬費三百金役二百人二品
給二百五十金役百五十人三品給二百金役百人三品秩
未滿半之開墾槩役五十人四品下特恩酌奏


丙午止故右副都御史安惟學王綸祭葬以工科給事中謝
訥言惟學誅求激變綸侵帑冒級也

丁未摠旗梁次攄為錦衣百戶大學士儲之子納錦衣衛不
舍人冒廣東十三村功
寧夏地震

戊申前南京太常寺卿呂憲卒秀水人父學士原廕中書舍
人成化 薦北闈 中書應試自憲始文行能世其家

予祭葬 是月猺賊攻鄆縣大民居三日

七月壬子許真帖木兒還土魯番



盜陷吳橋縣甲寅陷南宮丙辰陷冀州

丙辰吏部尚書楊一清陳陝西邊務八事議行之惟寧夏紅
花仍貢

裁遼陽分守內臣

丁巳盜陷棗強知縣段勇死之初拒斬二百餘人攻急益三
日陷勇赴水死盜屠城恭將宋振駐東門不發隻矢盜尋去
贈勇太僕少卿予祭一子 世錦世百戶

辛酉奎星犯左執法

壬辰提督倉場戶部左侍郎邵竇還部巡撫河南右副都御


史邵 為戶部右侍郎

癸亥盜陷武城樂安陽信霑化海豐青城攻樂陵知縣許達
擊敗之達初築城浚涅令鄉民垣周其室且出簷上通竇可
隻身出入壯者伺刃竇側盜至無所火入竇輒擒斬旗舉伏
發賊殲焉後避不敢近

乙丑南京戶部右侍郎鄧璋為左副都御史巡撫河南
定節考官給三十金自樹坊復其家

戶部左侍郎陳鼎卒單縣人成化辛丑進士

甲戌刑部左侍郎張泰為右副都御史摠制陝西延綏寧夏



甘肅軍務

乙亥江西盜陷臨江

陝西洮州成禮縣四川綿州各地震

丁丑提督軍務都御史馬中錫惠安伯張偉巡撫都御史蕭
翀李貢邊憲王璟叅將李瑾等坐玩寇被劾有旨切責


八月戊寅朔刑部右侍郎張子麟為左侍郎

四川盜任倖羅萬等入貴州破婺川縣龍泉坪長官司

盜劉宸劉寵楊虎李隆等四十三人迎馬中錫張偉于良店
駙求撫中錫以聞命酌之果解甲赴軍門准自首律

已卯勅兵部左侍郎陸完兼左僉都御史提督軍務率宣府
延綏及京兵討盜

劇盜蘭廷瑞鄔本恕等被擒初盜欲緩我師及秋而掠度不
可勉至東鄉乞撫廷瑞本恕不出請駐衆臨江市副使馬昊
曰臨江市蜀襟喉也上達重叙下連湖湘其地饒富沃衍可
饒賊自困耶獨益治軍盜目不敢東又無可逸乃以所掠女
餌永順土舍彭世麟締婚世麟白制府受之遂邀宴伏甲擒
廷瑞等二十八人餘奔潰斬溺七百餘人捷上進洪鍾太子
下摠制右都御史馬中錫惠安伯張偉叅將朱振于獄



丙午夏津地震如雷

九月戊申巡撫延綏右僉都御史黃珂為戶部右侍郎提督倉場事務

盜楊和劉宸劉寵齊彥名東入樂安張興南入澤縣楊虎西南入東昌王自東光渡河而西分六部陸完求濟師許之已酉廣西懷賀等縣猺賊平

楊虎等圍滄州三日不克欲南劉宸劉寵等適至復圍之五日中流矢去之

庚戌初副總兵許泰游擊將軍邵永等擊賊敗之斬數百人

始南奔泰追之東光斬二百五十餘人永又破之景州

霸州桃李華


辛亥陝西左布政使舒崑山為右副都御史巡撫延綏

壬子盜陷武城陵邑平原禹城臨邑霑化荏平陽信蒲臺樂安等縣

癸丑天津兵備太僕少卿陳天祥為右僉都御史仍捕盜

乙卯免寧夏田租

丁巳戶部左侍郎邵寶兼左僉都御史催漕時滯運尚百六十餘萬石促貯臨德天津



盜陷靜海

戊午前巡撫雲南右副都御史張誥卒華亭縣人成化丙戌進士

己未戶部主事王崇慶乞復刑部主事宿進官下獄謫廣東

壽康駙丞

辛酉延綏副總兵馮禎敗盜于阜城擒斬八百六十四人宣

府游擊將軍卻永戰棗強擒斬百三十人永及副總兵許泰

又擊斬四百餘人楊虎等東奔

四川盜逆三千餘人復自陝西漢中流入寧羗沔縣破略陽

徽州成縣扶風

癸亥望月食

庶吉士盛端明為檢討

楊虎等陷威縣新河劉宸等陷日照海豐壽張陽穀邱縣寧


陽曲阜泗水沂水費縣

甲子進士王萱上言兵事切責之

乙丑川盜走貴州思南石阡仍入蜀播州宣慰使楊愛等擊

敗之仍走貴州

己巳廣東福建流盜復入永豐陷新淦樂安執泰政趙士賢



知縣申惠等士賢贖免

庚午廣東徭破湖廣鄴縣

錦衣衛指揮使朱寧為都指揮使僉事兼提督官校

辛未傳陞錦衣衛指揮使朱安提督官校巡捕指揮使朱增

筦南鎮撫司

癸酉山西山陰縣地震如雷又四川都勻等地皆震

丁丑南京守備成國公朱輔引年去

崇王祐棖薨年三十謚

右府都督同知楊英鎮守陝西

十月己卯刑科給事中竇明上言弭盜備邊擇將民四事忤旨

下錦衣獄

辛未命巡撫四川都御史高崇熙駐重慶討盜

癸未魏國公徐備守備南京

錦衣都指揮僉事朱寧例進都指揮同知

盜入長山典史李暹力戰死之

甲申劉宸等攻濟寧不克焚漕舟千二百有奇執上部都水


主事王寵釋之

贛州土民何積玉誘擒廣東盜致仕錦等斬之

國權

正德六年

二十



丙戌劉宸等寇曹州馮禎許泰卻永戰于裴子岩斬三百餘級又追斬千八百餘人

太監張永選團營得勇卒四萬三千人練習聽征

丁亥昏刻金星犯斗宿

己丑卜入大同黃土坡官軍大利

盜千餘人自宿遷渡河攻缸縣

十一月丁未朔巡撫湖廣右副都御史陳鎬卒應天人成化丁

未進士

戊申南京科道復劾逆黨戶部尚書李瀚江西總制左

南京

都御史陳金刑部侍郎張子麟工部侍郎李堂南京工部侍

郎周宏巡撫顧源舒崑山南京太常卿張芮通政叅議呂元

夫山西叅政常麟夏景和福建叅政臧麟雲南叅政鍾渤四

川叅議錢朝鳳山東副使張憲廣西副使鄧文質山東僉事

陳寔賈欽廣東僉事夏遂揚州知府王鐸浙江知府張錦河

東運使劉藥浙江運使仲本寶慶同知蔡中孚有旨瀚等令

自陳陳金仍討盜常麟等俱致仕留臧麟等


庚戌御馬監太監谷大同總督軍務伏羗伯毛銳總兵太監

張忠監神槍率京兵五千會陸完討盜

國權

正德六年

五



壬子昏刻月犯秦星

癸丑大理寺卿張綸為工部右侍郎

甘肅提兵王勛敗觀音山斬二百六十六級

丙辰戶部左侍郎兼左僉都御史叢蘭賑南北畿河南京

戶部左侍郎王瓊改戶部左侍郎兼右僉都御史賑北畿山

東巡撫四川林俊辭陞賞不允令致仕

辛未前戶部尚書伯鍾卒字大器鄆城人成化丙戌進士授

御史忤汪直被杖後撫薊鎮保定遷刑部右侍郎憂去坐累

謫守曲靖弘治初改官至南書

卜酋亦不刺阿克爾與小王子仇殺屢入寇涼州右副總

兵蘇泰戰大河灘斬百十三級

勅戶部左侍郎叢蘭巡視廬鳳滁和蕪賑濟其河南歸巡撫

鄧璋淮揚徐邳仍屬漕運右都御史張縉

癸酉大學士李東陽滿九年考兼食大學士祿

浙江左布政使劉琬為右副都御史撫治鄖陽

甲戌盜陷黃縣


左府署都督僉事楊敬卒定州人世濟州衛指揮使征逆北

陷脫歸屢立功

國權

正德六年

三



揮使俱冒功

中府署都督僉事張文淵卒

霸州知州王汝翼縱賊屬下詔獄

戊子前太子少保兵部尚書尹直卒字正言泰和人景泰甲

戌進士授編修歷兵部侍郎兼學士尋進尚書致仕疎俊不

拘小節頗負才氣多物議文瞻逸渾健步驟大家所著歷代

名臣贊皇明名臣言行通錄行世年 十 贈太子太保謚

文和

免甘肅田租

旱電免西安延安慶陽田租

四川盜自陝西復入劫掠殺兵備副使馮傑于蒼溪之鉄山

關事聞贈傑按察使謚恪愍瘞子女婢入監尋改千戶

壬寅寧夏副總兵都指揮僉事保勛為征西將軍署都督僉

事總兵鎮守寧陽

癸卯伏羌伯毛銳駐河南馮禎時源金輔等兵屬之太監谷

大用右都御史陸完駐畿南李瑾許泰卻永陳勛王杲熊偉


劉暉等兵屬之仍勅湖廣協援

甲辰南京戶部尚書李瀚自陳致仕

國權

正德六年

二五



流盜犯虹縣蒙城

乙巳山東按察使袁經為右僉都御史巡撫遼東都指揮同知王保擊盜于沈邱敗沒贈都指揮使

陸完追盜戰文安東鹿安州皆捷俘斬數千人

丙午前巡撫寧夏右副都御史萊陽人曲銳卒成化辛丑進士有吏能

卜犯肅州都指揮董傑擊斬百一十九級

是月流盜攻遂平殺知縣王佐縣丞毛綉佐弘治乙卯貢士贈太僕寺卿蔭子錦衣百戶攻固始使致仕縣丞曹基控馬

不從攻息縣致仕主簿邢祥詬罵死趙燧等推劉惠稱奉

天征討大元帥鏖副元帥張前軍都督管後軍都督劉

孜左軍都督馬武右軍都督邢中軍都督陳翰兵部主事

餘各偽署不一衆十三萬列二十八營應列宿傳檄下郡縣


治橋道儲餉且戒其黨毋殺良民至武陽劫庫釋囚有僧德

靜妄言唐王子留之欲擁立馬破封邱殺御史宋紀攻鈞州

知州李邦彥力拒不克怒甚趙燧繼至以故尚書馬文升家


馬去之破寶豐僉事孫磐以黃榜招燧答曰群奸在朝濁亂


海內誅斥諫臣屏殺元老乞皇上獨斷梟群奸之首以謝




天下斬臣首以謝群奸攻裕州同知郁采都指揮拒之頗有
斬獲賊益兵三萬兵而陷指揮辛澤任綸知州李德仁皆遁
朱濟死之鄉御史任賢助戰守殉死者十三人居民死三千
人采弘治戊辰進士授刑部主事降大名教授遷裕州有蘭
州集贈光祿寺少卿

國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.




Inches 1 2 3 4 5 6 7 8 9 10 11 12 13 14 15 16 17 18 19 8
Centimetres



TIFFEN Color Control Patches © The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]





國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches



© The Tiffen Company, 2007

Blue Cyan Green Yellow Red Magenta White 3/Color Black

國家圖書館, NATIONAL CENTRAL LIBRARY, TAIWAN, R.O.C.




國家圖書館, NATIONAL CENTRAL LIBRARY, TAIWAN, R.O.C.



3393414 v.31

國家圖書館, NATIONAL CENTRAL LIBRARY, TAIWAN, R.O.C.





國權

嘉靖元年壬午

正月巳酉朔 上御奉天殿受朝賀

鳳陽地震

禮科右給事中熊浹言 陛下之體 武宗有 祖訓兄弟

弟及之文可據不得曰為人後者為之子也必曰為後則是

陛下繼武宗乎抑追繼 孝宗乎 武宗本無後而 陛下

以弟後之 孝宗已有後而 陛下又越 武宗而後之無



國權

嘉靖元年

鹽官設遷孺木著



國家圖書館, NATIONAL CENTRAL LIBRARY, TAIWAN, R.O.C.



一可也今殊爵頒賞加于藩舊至親獨蒙故號虛皇儀舛矣
宜尊 興獻帝立廟徽號如恭似康定示不敢上躋于列
聖加上 慈壽皇太后及 武宗皇后徽號而尊 母妃太
后如慈壽例庶義恩並行不悖章下所司
設遷曰定陶濮安之案倡于新鄭謂外此即異議可斬也
宗伯持其說舉朝同舌蓋傷 孝皇之德矢報靡由且漢
宋之已事在非無據也永嘉逆窺 上指開陳其端寥々
寡和久之歷城巡檢之書上其風未波自熊恭肅繼上宸
衷益搖漸成聚訟噫象指而趨又何難焉

尚寶司卿喬宗告老加光祿卿致仕

嚴宣府近關礦峒之禁

廣西蠻寇掠臨桂永安荔浦脩仁洛容等勅責總兵朱麒

定南京馬快舡薦新每進不過三艘時守備太監戴義乞如

正德例兵部執登極詔持之遂視弘治例

丙辰夜金星犯斗


丁巳河南巡撫李瓚為工部右侍郎總理河南山東直隸等

河道

戊午許元夕休沐十日

國權

嘉靖元年



巡撫遼東李承勛請定軍功宜存宜革宜奏請三則從之

夜水星犯羅堰星

己未 上南郊

清寧宮後三小室災宮人稠密諭遷 武宗皇后于西城仁

壽宮賢妃德妃于武安等宮 憲廟諸妃亦遷西城楊廷和

言西城仁壽宮乃先朝幽閉廢斥之地 武宗皇后母儀天

下十六年 皇上先嘗臣之今康陵土尚未乾遽忍忘之耶

憲廟諸皇妃逮事皇祖同時即太后親愛之情可知顧宴之

此地非惟聖心不安恐 邵太后聞之亦不欲也乃止

夜月犯五諸侯星又金木星相犯

庚申免慶成宴

壬戌禮部請脩省又言 興獻帝后皇稱于正統之親無別

恐不可告郊廟播天下科道文章論沮禮科給事中安磐言

興為藩國不可加于帝號之上獻為謚法不可加于生存之

母御史李儼言 慈壽母妃分均體敵恐生群小之心漸構

兩宮之隙程啟充言虞舜不後瞽瞍光武不封南頓君禮無


二本自古已然俱報聞

裁南京錦衣衛旗校二百六十人

國權

嘉靖元年

三



分守建昌太監趙欽暴貪不法四川巡撫胡世寧劾之降奉
御安置南京

兵部左侍郎李鉞總制陝西三邊軍務

癸亥套下 犯陝西

辛未增遼東寧海道叅謀

夜月犯箕宿

癸酉雲南道御史馬紀請設起居注下所司

寬遼東馬價

丙子減內府歲額鹽課弘治時青白鹽共十七萬五千斤正

德後遂增至三十五萬一千八百四十四斤

二月戊寅朔南左都御史陳玉致仕

庚辰起方良永右副都御史撫治鄖陽以母老乞養不起

癸未順天府尹徐蕃為右副都御史撫治鄖陽

乙酉南工部右侍郎崔文奎為南右都御史

大理左少卿萬鏜為順天府尹

馬平盜起討平之


丙戌白虹亘天

戊子山西左布政使胡定為右副都御史提督鴈門等關巡

國權

嘉靖元年

四



撫山西

己丑遣廷臣分祭

祖陵等陵嶽鎮海瀆歷代帝王孔子徐

楊等王太岳之神

免開封水災田租

壬辰夜月食

犯遼東鉄嶺衛

宥竇杲死雷州

甲午陳圭嗣平江伯陳熊從子

宣大游飢卒噪下戶部量濟餉

乙未內官監少監侯俊採料木真定御史朱鉞方貽害地方

上以非權木也許事竣回京

丙申魯庶人當返卒于鳳陽子健袖乞嗣歸善王不許

夜月犯房宿

丁酉召南兵部右侍郎何孟春于吏部

勅吏部人才難得加意考察各撫按明著酷貪寔跡送部

陝西大疫


庚子祭故應府丞周壘前忤逆瑾杖卒

停各巡按官入京議事惟漕運提兵叅將仍舊

國權

嘉靖元年

五



宣大有警刑部右侍郎臧鳳兼右僉都御史督軍

卜犯延綏榆林衛

壬寅巡撫湖廣席書為南兵部右侍郎

甲辰廣西左布政使張琮為右副都御史巡撫湖廣

四川盧氏盜起流劫河南商南叅議陳昂平之

三月戊申朔左春坊左諭德顧鼎臣省祭

甲子南工部尚書叢蘭致仕

廣西盜掠桂林陽朔殺臨桂縣主簿曹時古田典史陳祚

奪奪四千餘騎犯延綏

前南刑部尚書戈瑄卒贈太子太保

丙寅巡撫湖廣席書薦致仕大學士楊一清經略西北

丁卯復設雲南寧州流官

禁倉場科分恒例


戊辰遣恒國公朱輔禮部侍郎賈詠詣安陸上興獻帝號

庚午武學生朱大周結錢寧逐錢一清至是被劾論死

武定侯郭勛提督團營

壬申論翊戴功進大學士楊廷和蔣冕毛紀伯爵費宏詹錦

衣指揮使皆世襲壽寧侯張鶴齡進太師建昌侯張延齡進



太傅駙馬都尉崔元進侯禮部尚書毛澄太子太傅廕錦衣
指揮同知世秩太監張錦扶安溫祥賴義秦文張欽張淮等
各加祿廕弟侄錦衣指揮僉事同知等官有差外戚蔣輪邵
喜各封伯廷和等力辭伯改廕錦衣又辭文廕不拜

沈德符曰世宗自興邸入紹諸宰輔翼戴之功良不可沒
楊新都蔣全州毛東萊世封伯固其宜也費鉛山時在
林下至 上御極後召還亦得世指錦衣指揮使而梁南
海時為次揆位在蔣上竟無寸賞已為可異至如駙馬崔
元以親奉金符迎立進世侯而梁以輔臣偕往獨無涓滴

及之又何說耶若云梁儲扈 武宗南征不能力諫以是
為罪則蔣冕固同侍六飛往還何得獨求多于梁也蓋是
時新建受遺為物情皈嚮而梁不為楊所重故 世宗四
月二十二日即位梁五月五日見逐相新朝僅十餘日耳
其後議禮貴人方獻夫霍韜彭澤輩俱南海人也蓄不平
久矣乘机而發至指新都為元惡為逆臣必削其籍戍其
其子著之丹書而後快亦新都有以取之最後高岱著鴻
猷錄遂謂鎮國公朱壽之勅梁以死扞詔而薛氏憲章錄
又以草勅屬之新都皆方霍餘唾也

